



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Episcopus Thessalonicensis, etiam antè quàm esset Vicarius Romani
Pontificis, ordinabat Metropolitanos Illyricianos secundùm veterem
Ecclesiæ suæ consuetudinem. Thessalonica vocatur à Theodoreto ...

urn:nbn:de:hbz:466:1-15617

lius illum momenti esse ad afferendam Thes-
salonicensis Episcopi dignitatem , is certè
cedat oportet auctoritati Concilij Sardicen-
sis : quod cùm fuerit celebratum anno
CCCXLVII. diù ante initia vicariatus , si
quid eximium in Thessalonicensi Episcopo
agnovit , dedit documentum posteris ut non
contradicerent . **A**etius ergo Thessalonicensis
Episcopus vidēs se praegravari nimia Presby-
terorum & Diaconorum extraneorum mora
apud Thessalonicanam , quòd confluebant velut
ad metropolim plurium provinciarum , mo-
dum huic rei poni postulavit à patribus Sar-
dicensibus , his verbis usus quæ apertè signi-
ficant quanta tum in ordine ecclesiastico es-
set urbis Thessalonicensis dignitas . *Non igno-
ratis* , inquit , *quanta & qualis sit Thessalo-
nicensium civitas . Sepe ad eam veniunt ex aliis
regionibus Presbyteri & Diaconi ; & non contenti
brevi tempore morari , & aut resident ibi , & aut
certè vix post longa spatha ad sua redire coguntur.*

V I. Dignitas Episcoporum Thessalonici-
num probatur alio illustri exemplo ejus-
dem omnino temporis . Moris tum erat apud
Ecclesiam , ut cùm quis Episcopus pulsabat-
ur de crimen , illustrissimarum Ecclesiarum
Episcopos sibi faventes habere stuperet , ut
vel ex eo innocentiam suam certe Ecclesias
probaret . Hilarius enim Pictavorum Episco-
pus validum hinc telum adversus hostes
Athanasij Episcopi Alexandrini sumit , quòd
ei communio reddita fuerit ab Oso Episco-
po Cordubensi , Maximino Trevirensi , &
Iulio Romano . *Sed ignorasse vos negabitis* , in-
quit , *Athanasio , cuius damnationem à vobis Valens , Vrscius , Saturninus exigunt , ab Oso , Maximo , Iulio redditam communionem* . E di-
verso Sulpitius Severus hinc quoque Priscilianum
ejusque socios in culpa fuisse ait ,
quòd Damalum Episcopum Romanum &
Ambrosium Mediolanensem , quorū ea tem-
pestate summa auctoritas erat , sibi adversantes
habuerint . Itaque Athanasius , dum illu-
strum ac magna auctoritatis Episcoporum
testimonia adducit ad causā & innocentia
sua defensionem , Alexandri Thessalonicensis
Episcopi , illius qui synodo Nicæna inter-
fuit , scriptas in causa cœdis Arsenij literas
ad fert , protestatus sibi instar omnium esse
unum Alexandri testimonium , ute pote Epis-
copi illustrissimæ Ecclesiae , qui plurium pro-
vinciarum Metropolitanus erat , adeoque
summa per universam Ecclesiam auctorita-
tis . Hæc sunt ejus verba : *Quod autem me de
cede Arsenij accusant , ne multorum scriptis ad
eam rem probandam utar , sufficit si unum dun-
taxat Alexandri Thessalonicensis Episcopi episto-
lam , unde & ceterorum existimes , apposuero.*

VII. Tot argumentis , ut ego quidem

arbitror , victus illustrissimus istius operis Vide infra lib. 6.
cap. 5. §. 12.
auctor non dubitavit afferere jus illud anti-
quitus competitivis Episcopo Thessalonici-
ensi ut Metropolitanos suæ Dioceseos aut
ipse ordinaret , aut ab Episcopis compro-
vincialibus ordinari juberet , jisque illud ad
ipsum spectasse secundum veterem Ecclesiæ
suæ confuetudinem , non verò ratione vica-
riatus sibi ab apostolica sede concessi in his
regionibus . Vicariatu enim illo non tam no-
vam auctoritatem tributam fuisse Thessalo-
nicensi Ecclesiæ quācum cumulationem juris .
Sanè Theodoretus de Thessalonica loquens ,
eam vocat caput Macedoniae , Thessaliae , &
Achaiae , tum aliarum complurium provin-
ciarum que reguntur à Praefecto prætorio
Illyrici , uti obseruatum est in capite supe-
riori . Quod ne quis referat ad vicariatum
Romana sedis prohibet Theodoretus , qui
de civili tantum administratione hec agit .
Vnde colligi etiam potest Thessalonicensis
Episcopi prærogativa .

VIII. Amplitudo illa & dignitas urbis &
Ecclesiæ Thessalonicensis maximam apud
omnes ubique gentes auctoritatem per ea
tempora conciliabat Episcopis Thessalonici-
bus , præsertim quoties illi contingebant
Episcopi qui sedem per se satis claram
virtutibus suis efficiebant illustriorum . Post
Alexandrum itaque , Eremium , cuius men-
tio extat apud Athanasium in prima apo-
logia , & **A**etium , eam sedem tenuit Acholius ,
vir laudatissimus , & cuius encomium non
uno loco enarravit sanctus Ambrosius Epis-
copus Mediolanensis , cuiusque laudes cele-
brat sanctus Basilius ad illum scribens . Huic
ergo Acholio tantus habitus est honor à pa-
tribus secundæ synodi ecumenica , quæ
apud Constantinopolim habita est anno
CCCXXXI. iussu Theodosij Augusti , ut
cùm agendum in ea esset de re gravissima ,
nimurum de ordinatione Ecclesiæ Constan-
tinopolitanæ , eum ex occidentalibus parti-
bus evocandum putarent , & non antè cause
cognitionem susciperent quā Acholius
adesseret . Hujus rei probationem debemus
epistola Concilij Italiae ad Theodosium ,
quam vir clariss . Iacobus Sirmonius edidit
in Appendix Codicis Theodosiani . *Nequis
enim indignum videtur , Auguste , inquiunt Epi-
scopi , ut Romana Ecclesia antifistitis finitimorum-
que & Italorum Episcoporum debeant subire tra-
statum , qui unius Acholi Episcopi ita expectan-
dum esse putaverunt judicium ut de occidentalibus
partibus Constantinopolim evocandum putarent .*
Itaque cùm venisset Acholius , ita adversus
Maximum statuit sancta synodus in tertio
canone : *De Maximo Cynico , & ejus inordinata
constitutione , que Constantinopoli facta est ,*
G iii

S. Ambro. lib. 5.
epist. 20. 21.

S. Basili. epist. 337.
& Epist. 333.

Appendix Cod.
Theodol. pag. 107